

۲۹ جمادی الاخره ۱۳۳۱

پنجشنبه

۲۳ مایس ۱۳۲۹

نومرو ۲۴ — ۲۴

نسخه سی ۲۰ پاره در



امور اداره و تحریر به واعلانات و ساثره ایچون مدیر
مسئوله مراجعت ایدللبدر .

ابونه سی بر سنه لك اعتبار به ممالك عثمانیه ایچون
اون بش و ممالك اجنبیه ایچون ۲۰ فروشدر .

عرفای امتك مقالات متصوفانه لر به جریده
صوفیه لك صحیفه لر آجیقدر .

شمديك اون بش كونده بر نشر اولنور

محل اداره باب عالی جوارنده ابوالسعود جاده سنده
نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

محاسبه‌سنة قیام ایلدیکي نفسنی عقوبت‌لر ایلله تحویف ایتدی .
نفسنک هواسنی ذلیل ، وقواسنی ده - شراب و طعمای آزالدوب
اویقوسزلانی ، قیامی آرتیره‌رق - تقایل ایلدی [۱]
کیچه کوندوز ذکر و توحید ایلله مشغول اولدی مختاره
بلالره تحمل ایتدی . و ، فروع الاسماء [۲] ایلله استعانه ایلدی .
حتی بر درجه به کادیکه حقیقته سکونبخش اضطراب اولان
ویرن آلان ، حرکت ایتدیرن ، مضرت و منفعت ابراث ابدن
انجق جناب الله اولدیفنی یالکز قالا اعتقاداً دکل بلکه برحالت
ذوقیه روحانیه ایلله مشاهده کوردی .

ایشته او وقته آب زلال کلمه جلال ، قلبنه سرایت ایلدوب
قورقورلرک بالکلیه رفیعله لطف الهی بی حائر و توحید الاعمال
عطیه‌سنة فائز اولدی [۳] و کندیسند بشارت قلبیه ایلله برابر
بر حال ذلت و تواضع حاصل اولوب محاسن اخلاق علیه و آداب
شرعیه ایلله تخلق ایلدی .

کمال‌الدین خرپوطی

مناقب اولیا

دن

سلسله مناقب

برنجی قسم

[مابعد]

خواجه یوسف بن ایوب بن حسن بن شعیب الهمدانی

قدس سره‌العالی

مشارالیه حضرتلری ائمه عارفینک و علماء راسخین و اولیای

کامینک سرویدر ،

کنیه‌لری « ابو یعقوب » اولوب (۴۴۰) ده همدانده

[۱] بوراده طریق هر فائک ارکان سسته شهوره‌سندن یالکز
اوجنه اشارت بیورلشدرکه ارکان مذ کوره شونلدر : تقلیل طعام .
تقلیل منام ، تقلیل کلام ، عزت انام ، ذکر مدام ، فکر تمام .

[۲] « فروع الاسماء » ک مقابلی ، ائمه الاسماء ، درکه وجودی
غیرک اعتبارنه دکل بلکه یالکز وجودیه توفیق ایمان اسماء ذاتیه‌در .
تعبیر دیگر ایلله بوکا « اسماء اولیه » ده دنیلیر .

[۳] منازل ثلثه هر فائک برنجیسی اولان ، و ، عالم فنا « دنیلان
بو مقامده بولنه‌جق سالدک مداومت ابدیه‌جک ذکر ، فوت قلوب
اولان « لا اله الا الله » کلمه شریفه‌سیدر .

ذمیه شهوانیه بی جامع اوله‌رق دنیای دنییه میل و رغبت ،
و کونو خصلت‌لره مسارعت ایتدکه بولندیفنی حالده کوردی [۱]

بناء علیه وساوس و شرور شیطانیه‌دن جناب رحانه استعاده
ایدرک پروردکارندن ایکی جنبی بیننده بولسان عدو اکبری
اوزرینه عون و نصرت ایسته‌دی . متعاقباً بر مرشد شهر بر شیخ
فقاہتسه‌یر حاضر اولوب اوکا بر آبدست صوبی کتورده‌رک غمل
و ابدست ایلله امر ایتدی . فوز و فلاحی بیلدیروب صلاح اوزره
کندوسنی طور دیردی « والتین » سورة شریفه‌سیله بر نماز
قیلیدردی فقط ، ثم رد دماه اسفل سافلین ، آیت جلیله‌سنی اوقویوب
دفتر اعمالنک سچینده [۲] اوله‌بیلدسنی آکلادیجیه همان روح
مذکور ، کندی حال پرملانه آجیبوب افعالی اوزرینه اغلادی
و فائز حظ اوفر اولق امیدیلله جهاد اکبر عد اولسان مجاهده
نفسه قیام ایتدی . و نیت جاذمه و خالصه ایلله عزم و همت راحله‌سنة
بیلندی . و سفر بعید مزبور ایچون تقوایی زاد راه ایدینوب
اسماء الهیه بی مزراق . حد و ثنائی قیایج اتخاذ ایدرک دعوات
حاصلانه‌دن بر آلائی عسکر نجهیز ایتدی . و مرشد عارفه پیرو
اولوب قائم اولان دلیلدن ارائه طریق ایسته‌دی . صفاتی تهذیب
و نظیره قوشاندی .

[۱] بوراده مقامات سبعة سیر و سلوکک برنجی‌سنة اشارت بیوریلدورکه
صفات شیطانیه ایلله متصف و شهواته مغلوب اوله‌رق کونو شیلرله آسر
اولنله آماره نامی آلان نفسک بومقامده سیری (الی الله) عالمی
(عالم شهادت) محلی ، (صدر) واردی . (شریعت) حجابی ، (ظلمات
اغیار) صفاتی ده جهل . بخل ، حرص ، کبر ، غضب ، شهوت ، حسد
سوخلق ، مالا یعنی به طامی ، کبی شیلدر .

بیلنیلدورکه طلب الهی خصوصه‌سندگی سیر و سفر و اهل حقائک
عندنده ، قلبک ، ذکر ایلله حقه بالمباشره توجهی زماننده اولان سیرندن
عبارت اوله‌رق درت وجه اوزره‌در : (۱) سیر الی الله درکه وجه وحدتن
حجب کثرتک رفندن ، و عبدک مظاهر و اغیار نقشی ازاله ایلله تجلیات
اسمایه‌نک مبدی و مقام قلبک غایتی اولان افق مبینه وصول ایچون
منازل نفسدن سیرندن ، عبارتدر . (۲) سیر فی الله درکه وجوده کثرت
علمیه باطنیه‌دن حجاب وحدتی رفع ایدرک صفات الهیه ایلله انصاف و
اسماء علیه ایلله تخلق ایدوب مقام الروح ، و حضرت واحدیت ، دن
عبارت اولان افق اعلی‌یه سیردر . (۳) سیر مع الله درکه ظاهر و باطن
ضدربنه اولان تفیدک زوالیلله ، عین الجمع ، ده ، حضرت احدیت « ده
حصوله ترقی دن عبارتدر . بو « عین الجمع » . اثنبینتک بقای حائنده
« مقام قاب قوسین » و ارتفاعی حالنده « مقام او ادنی » دینلیرکه
مقام ولایتدر . (۴) سیر بالله هن الله درکه حق خلقده اندراجی و
خلقک حقده اضمحلائی - عین وحدتی صور کثرتده صور کثرتی عین
وحدتده کوره‌جک درجه‌ده - مشاهده ایلله مجرد تکمیل ایچون مقام
استقامتده حقندن خلقه رجوعدن عبارتدر . بوکا « الفرق بعد الجمع » و
« البقاء بعد الفناء » مقامی دنیلیر .

(وارد) معانی غیبیه‌دن ، خواطر محموده‌دن عبدک کسب و
فصدی اولقیزین قلبنه ورود ایدن خاطره‌در .

[۲] سچین « کفارک » ، بخارک دفتر اعمالی وضع اولنه‌جق محاک
اسمیدر .

(نور مجرد) قریه سنده مهد آرای عالم شهود اولمشارد در . سن شریفی اون سکره بالغ اولدقده مولانا شیخ ابراهیم بن علی بن یوسف الفیروز آبادین (فقه) شافعی بی اخذ و ابو اسحق شیرازین فقه ، حدیث ، تفسیر تعلم ایدهرک صغر سنیله برابر علوم عالیده کسب اقتدار ایلدیکندن اقرانه فقه و مناظرده قدم و تفوق اتمشدر . بغداد ، اصفهان ، بخارا ، خراسان ، خوارزم ماوراءالنهرده واقع ثقات محدثیندن و خطیب بغدادین استماع حدیث اتمشدر .

• مناقب عبدالقادر کیلانی ، ده . سطور اولدینی اوزره خراسانده مریدانک تربیه و ارشادلی و مشکلا رینک حلی کیفیاتی حضرت خواجهیه منحصر اولمشدی . خانقاه سعادتلرنده علما فقها و صلحادن جماعت کثیره کلام سعادت انجامله انتفاع و صحبت و مصاحبتاری برکاتیلله اقتباس فیوضات ابتدیلر . صغر حالندن وفاته دکن عبادت و خلوتدن و ریاضت نفسدن خلی قالمشدر . علماء زماندن و صدور خراساندن بر جماعت علم فقهی ذات پر رکاتلرندن تلمذ ایتدی . زمانک مشایخی قدرنی اعظام ایدرلردی .

بر آراق بغدادده نظامیه مدرسه سنده وعظ و تذکیر ایلد اشتغال ایدوب بعده (مرو) عزیمت اتمشدر .

شیخ عبدالله جوینی و شیخ حسن السانی کبی اعظم اولیاء اللہک محبتلرنده ولتورق مستفید و مستفیض اولمشدر . خرقة طریقتی شیخ ابو علی فارمدی حضرتلرندن کیمشدر .

مذاهب اربعه دن امام اعظم ابو حنیفه حضرتلرینک مذهب شریفلرینی اختیار اتمشدر ایدی . جبابیدن نقل اولنورکه : [۸] پر طریقت قادریه قطب العارفین عبدالقادر کیلانی قدس سره حضرتلری بیورمشدرکه : همداندن بغدادده برکسه کلدی آکا یوسف همدانی دیوردی و انک ایچون قطبدر دیوده سولیلوردی . رابطه زول اتمش ایدی . بن آنک رابطه اولدینی استماع ایتدیکمه آنی کورمکلک و زیارتیله تشرف اتمکلک ایچون رابطه کیندم ایسه ده آنی اوراده کورمدم و اوراده بکا اول ذات سردابده در دیو خبر ویرمش اولمسیلله بن سردابده آنک یانه ایندم فی کورنجه قیام ایتدی و فی اوطوردوب و بنم یانه یقلاشوب بنم جمیع احوالی بکا ذکر ایتدی . و بنم جمیع مشکلا نمیده کشف و حل ایتدی . صکره بکا خطاباً یا عبدالقادر سن ناسه تکلم ایلد و خلقه وعظ و نصیحت سویله دیکده بن جواباً یاسیدی بن بر رجل اعجمی یم فصیحای بغداد اوزره نوجهله سوز سولیه یلیرم . و نصورتله تبلیغ احکام ایدیه یلیم دیمه اوزرینه بکا سن فقهی و اصول فقهی و نحو و لغتی و تفسیر قرآنی حفظ [۱] مناقب عبدالقادر کیلاندین مینا آلشدر .

ابتدک . سکالابق اولان و سنک ایچون احب و اولی بولنان سنک ناس اوزره تکلم اتمکلکدر سن کرسی به صعود ایت و نطق و تکلمه و تبلیغ احکامه اغاز ایت زیرا بن سنده مکین و متین بر عرق مشاهده ایدیورم که عن قریب نخبه اولور و اندن ثمرات حقایق و دقایق اجتنافلور دیدی .

شیخ روشن ضمیر حضرتلرینک کرامات جلیله و خوارق فخره سی لایمده و لایحصادر . مرویدرکه : مریداندن بری خافه ملازمتندن خروج ایدهرک علیمنده اقترایه جرأت ایلدیکندن حقنده یازبق بو آدم اوله جکدر . بیورمش و آز زمان صکره بر قضا نتیجه سی اولورق وفات اتمشدر .

شیخ علی جونی پدردنن نقلاً روایت ایدرکه : بر کون خلقه وعظ ایدرکن ایکی فقیه کاوب دیکله دیلر بده یاشیخ آرتق صوص سنک متبذع اولدینک آکلشلدی دیلری اوزرینه حضرت شیخ سز صوصکرکه دنیاده سزک ایچون حیات یوقدر بیورماری نتیجه سی او ایکی فقیه وفات ایتدی .

ذات غوثینهایلی (مرو) ده بر مدت اقامت ایدهرک ذکر خدای تعالی ایلد اوقاتکذار و نیجه تشنگان زلال عرفانی فیض عرفانلریله سیراب اتمشدر . بالآخره ظهور ایدن بر اشارت معنویه اوزرینه (هراته) عزیمت ایدهرک بر مدت اوراده نشر انوار طریقت اتمشدر بعده (مرو) اهالیسی عودتلرینی رجا ایتارینه بناء اشای عودتده هرات ایلد بغشوش بلده لری آرمسند کائن (بیامین) نام قصیده (۹۵) یاشنده اولدقاری حالد (۵۴۳) سنه سی ربیع الاولک اکرمی ایکنجی بازار ایتسی کونی ارتحال دارنیم ایلهرک اوراده دفین خاک عطرناک ایدمشدر .

اگر خواهی توانیخ صحیح ارتحال را بگو یوسف ابویعقوب بن ابوبه همدانی ارتحالرینه تاریخدر .

بر مدت صکره مریداندن شیخ ابن النجار نام ذات جسد شریفلرینی (مرو) نقل ایدهرک انشا ایدیلن تربته مخصوصده دفین خاک غفران قلنمشدر قبر مبارکلی زیارتگاه اهل حاجتدر .

مزارش اهل حاجت رانهاست زیارتگاه اهل انتباهست نازنین وجود عالیلری کوچک وضعیف و بیدای بکزلری ایش توجهلرنده فیض الهی قطرات رحمت کبی انتشار ایلرمش . قدس الله سره و نفعا یرکانه و فیوضاته امین .

اول جامع الکملات حضرتلرینک (زینة الحیات . منازل السالکین منازل السائرین) نامنده اوج عدد تألیفات مرغوبه سی و تنویر اذهان مریدان خصوصنده نیجه کلمات حقیقت آیاتی واردر بو جمله دن اولورق بیورمشدرکه :

سماع حقندن حقنه و حقندن رسولنه سیر و سفردر سماع سالکین . محبین ایچون حقیق عضالطائف و الطافی غیک فوائد و مواردنی . فتحک اسباب عوائذنی و کشفک معانی و بشارتی اشعار ایدرسماع ارواحک قوتی اشباحک غداسی و قلوبک حیاتی و اسرارک بقاسیدر

الجلندی) [۳] نامنده ایکی برادر ، طرف رسالتدن والی تمیین بوپورلمشدی .

علیه الصلوة والسلام افتدیمزك ارتحالندن صوکر اعمانده (لقب بن مالک الازدی) نامنده بر حریف قیام وارنداد ایله بهرک نبوت دعواسنه قالیقشدی . باشنه طوبیادینی قالا باله جیفر و عیاذی مملکتلرندن چیقاروب اورالرده تغلب ایتدی .

جیفر ، شو حالی مقام خلافتنه بیلدرمهسی اوزره رینه جناب صدیق (حذیفه بن محسن الحیري) نی عمانه و (عرقجه الیاری) نی

جنوبیسنده حکمرانلغه قناعت ایتیه بهرک بربرله اوغراشابه باشلادیجهته مملکت و هایلرک همومنه مبروض قالمشدی .

بالاخره و هایلرله مقابله ایچین ایکی برادر برله شدی ایهده محاربه بره اجرایی ایچین ثروت موجوده لرینی صرفه و پارلاق براسقبال تأمین ایدیه جک اولان دونائیک فسم کلپینی فروخته مجبور اولدیلر . . (قاموس الاعلامن خلاصه ایدیلیمشدر .)

مهره — جزیره العربک ساحل جنوبیسنده حضرموت ایله عمان آراسنده و (شبة القمر) فدیك اطرافنده واسع بربر اولوب (شحر) مملکتی دخی بونک داخلنده در . شرق جهشده و (رباط) اسکله سنک اوسقنده (جبل القمر) و (جبل السبعان) اسملرله ایکی قایاق طایغ بولونوب سائر طرفلری آلاق و قوملقدرد . سواحله در . برطاقم اوقاق کوپلر وایچ طرفلرند طوبراقدن بعضی قولوبلر بولونوب مدینندن بوسبتون محروم بربردر . اهالیسی ۱۰۰۰۰ قدر تخمین اولونوب پک اسمر چهره لی والسنة حامیه دن اولدینی مظنون اولان جیفرلرک لسانندن قاله بر لسان مخصوص ایله متکلمدرلرک بولسانی سائر هر بلر زور آ کلایوروجرافینون اسلامدن بعضیسی لسان حبشی عدا ایتشدرد . مهره اهالیسی اسکیدن بری برحال وحشته باشابوب برکونه حکومت منتظمه طایماملردر . وهر قبیله کندی شیعنی طایوب بونلردن بری بوتون مملکته حاکمیت دهواسنده ایهده کندی قبیله سی خارجه حکمی جاری دکلدرد . (یاقوت حموی) مهره اسمی مملکتک اولایوب (۷) اصل قبیله ک اسمی اولدینی و (ه) نک سکوتی ایله زیازد ایهده صبیعی (م) و (ه) نک فتحبله اولدینی بیان ایدیلور . مهره اهالیسنک ذخیره اکوب بیچک واکک پایقدن خبرلری اولایوب آتیاق بالیقله وکونشده قوروندقلری بالیقلرله ، بسله دکلی دهوه وکچیلرک سودبله وخرما ایله تعیش ایتدکلری بعض جغرافیون عرب آثارنده مسطوردر . مهره نک هین دووه لری مشهور اولوب بوده وهرک جهشنه وریبلن (مهاری) یاخود (مهری) اسمی دخی (مهره دن مشتقدر . (قاموس الاعلام)

[۷] (مهره بن کیدان بن عمرو بن الحاف بن فضاه به نسبتله) (۲) جیفر : حیدروژنده یاووز ارسلانه دینور وجیفر اسمیدندر جیفر بن الجلندی : مملکت عمان مالکک اسمیدرک سلطان الانبیا علیه افضل التحایا حضرتلری طرفندن نامه وسفارتله کیدن عمر بن العاص بدنده عمانده اولدقلری بالارویه سرقوم وبرداری (عبدالله) شرفیا فته اسلام اولوب بته ایالتلری کندیلرینه تقریر اولندی .

قاموس ترجمه سی

اصل کتابده جیفرک برادری (عیاذ) نامنده کوسته ریلدیکی حالدده قاموسده (عبدالله) و بعض اثرلرده (عبد) اسمنده اولدینی محروم بولونویور . احتمالک اسمی (عبدالله) یاخود (عبد) اولوب مخلصی (عیاذ) ایدی .

(ه) (نجران : بمنک شمال شرق کوشه سنده و (دهنا) مخرای کیرینک کنارنده بربر اولوب اهالیسی اسکیدن بری دین عیسویینی قبول

جناب حق بر طائفه به شاهد توبه نی و بر طائفه به نمت ربوبیتی و بر طائفه به وصف قدرتی ایشندیردی جناب حق اناره مسمع و سامع اوله رق تجلی ایتشدرد . بو مقامده سماع پرده لک رفینه اسرارک کشفنه دینور سماع لمان ایدن بر بارقه طلوع ایدن کونشدراروا حک سماعی هر فکر ولظه ده و تفکرده من غیر حضور النفس بساط قرب اوزره حضوری . شاهد اولدینی حالدده قلوب سالکینه اسماعله در اولیا حال سماعده صوک درجه حیران ، افتاده وایرجان و شراب حق ایله سکران کورینورلر .

اصحابندن برینک « بو طائفه علیه بوزلرینه نقاب چکدکلری و قدده نیلیمک سلامته قاله » دیه وقوع بولان سؤالنه جواباً « هرکون بر مقدار انارک کفتار معارف آتارندن قرائت ایدیلرک یورمه شدرد .

مابعدی وار خواجه زاده : احمد حلمی

فتوحات اسلامیة

مابعد :

عمان و مهره اهالیسنک ارتدادی :

عمان [۸] و (مهره) به (جیفر بن الجلندی) [۲] و (عیاذ بن

عمان — جزیره العربک جنوب فریسنده واقع و بر حکومت اسلامیة نک اداره سنه تابع برخطه درک (مسقط امامتی) نامیه معروفدر . برنجی درجه ده خرمایی ، اوزوی و سائر میوه سیله ایکنجی درجه ده بوغدا نی ، معمری ، ارایسی یونجه سی ، حتی شکر قامیشی و فیهوه سی یه تشوب ایچیه اورمانی و معادنی بولونان علی الخصوص ساحلارنده کثرتله یاق صید اولان بوخطه مستقل برامامک تحت اداره سنده در . حاصلات سنویه سی برمیليون انگلیز لیراسندن زیاده اولوب بسله دیکی عسکرک مقداری ده اتی بوزدن فضل دکلدرد .

اهالیسی عرب عاربه بقیه سی اولان شهرلیر ایله عرب مستعربدن قاله بدویلردن عبارت اولوب چوغی خوارج مذهبک (اباضیه) شعبه سنه منسوبدر .

شهرلیری تمیز پاک کینیرلر و اوج درت قاتلی اولرده اوطورورلر . عمان اهالیسی وقت سمادنده اسلامه کلش بالاخره خارجیلرک جولانکاهی اولارق برنوع استقلال ایچنده باشامش وکیچیلکده کی مهارتلری سایه سنده جاوا ، سوماترا و سائر جزائر بحر محیطه سیر و سفر ایدیه رک اسلامیتی اورالره نشر ایله مشدر .

۱۱۶۳ ده امامته کچین (سید احمد بن سعید) مملکتی توسیع ایتش ۱۲۲۱ ده جانشینی اولان تورونی (سید سعید) ده طوپرله مجهز اوتوز عدد فرقتین بیلدروب سقوطرا و زنکیبازاطه لرینی آلمش و حکومتی عادتاً بر دوت بحریه حالنه کثیرمشدی که زمانده عمان اسکله لری عادتاً بر تجارت بحریه مرکزی اولمشدی . نه فائده که ارتحالنده مالیکی اوج اوغلی اراسنده انقسام ایتش (سید سعید) زنکیبارده مستقلاً حکم سوردیکی حالدده (سید طفیل) عمانک فسم شمالیسنده ، (سید امجد) ایهه فسم